

古典詩第一名

陳慶煌

38
7 18 生

台灣宜蘭人

國立政治大學國家文學博士

現職／

淡江大學中文系專任教授



作品名稱／

承暉堂詩三十首

承暉堂詩

古典詩組第一名 陳慶煌

題桃源圖

人在桃源裏，愛它丘壑美；
閒來枕白雲，嘯傲寒谿水。

龜嶼良宵

靈峰雄峙海之東，燄火沖霄得意紅；
天為我鄉開勝境，扁鵲展履仰神工。

漢高帝

際會風雲終有日，千秋名位豈由人？
斗胸劉季真隆準，三尺龍泉四海春。

八月十七夜

節序中秋後，人間快晚涼；
平居常戒酒，佳會始稱觴；
既醉從元亮，放詞接楚狂；
漫將松石倚，天霽月如霜。

邊秋

一夕涼生萬卉霜，重尋沙磧競驪黃；
秋蕪翻白連天遠，黍酒漂青撲鼻香；
戍角聲中淹歲月，西風陌上散牛羊；
吟襟但挾千巖氣，俊句誰知擅勝場？

城頭秋月

笑語興亡一局棋，牛山無作景公悲；
風顛雨驟人歸後，酒退燈殘夢醒時；
泛駕不辭千里遠，相知轉恨十年遲；
深情欲賞秋宵月，淒絕城頭滯所思。

玉山高吟

高吟曾立玉山頭，衰草黏天白露秋；
風送仙音清似瑟，雨催詩夢細如愁；
昂藏心尚雲中守，放浪形同海上鷗；
世事推移原莫測，哀箏休按右梁州。

湖山煙柳

雲沉水阻路遙遙，雨濕天陰綠滿陂；
肅肅涼飈悲朔馬，啁啾寒雀宿南枝；
風流自許原非黍，意氣相傾豈可移？
夢裡湖山真屬我，六朝煙柳孰低垂。

題谿山雲樹圖

吾愛此山川，縹渺仙靈窟；
嵌空絕壁青，壁映眾匪黑；
萬葉搖清芬，雲谿深莫測；
何來天上衆？散作人間澤。

壽神鼎老人八十

誕降民元邦之光，靈山秀水推湖湘；
汪汪千頃黃叔度，雲龍風虎何堂堂？
汨羅伏先生，總角萌萌其英，

及壯富材略，鄉鄰有令名。
大地陸沉奔香海，孤衷耿耿終不悔。
強任政廉平，鼓吹期休明；
玉尺量才多，藻鑒如冰清。
上庠都講振鐸聲，忠孝久昭樹儀型；
聖澤餘波衍洙泗，海涵地負耿群經。
長聯漫誇射鵬手，大道能契真宰情。
猗歟！盛矣。陶然歡於此。
至德從知商山翁，我歌老子其猶龍；
燈燈葉葉見心印，衡嶽萬古青濛濛。